

/ կադ. ած / ողորմի / ասէք. ի ԹՎ. ՉԼԵ. խաչի տակը գրված է. «Գրիչ»:

Նույն 1286 թվականին Ամիր Հասանի կինը Թաճեր գրել է տվել մի Նարեկ, սեպհականություն Լիմ անապատի, այժմ գտնվում է Եջմիածնի մատենադարանում և կրում է Ն. Ց. 408 համարը, հասարակ թղթի վերա, արևելյան բոլորգրով: Բացի գլխավոր հիշատակարանից մի քանի տեղ կան համառոտ հիշատակագրություններ ստացողի և նորա վորդու էջաչի անվան հիշատակությամբ:

Համեմատաբար ավելի ընդարձակ տեղեկություններ ստանում ենք Ձ-ի վերջում յեղած մեծ հիշատակարանից (Հավել. Բ 20). «ածասեր և բարեպաշտ) և արքայունի պարծանաց» պարոն Թաճերը գրել է տվել այս գիրքը «յերկար կենդանութի և բարէխաւս առ տր իւրն և պատուական գլխոյն իւրոյ ածազաւր իշխանաց իշխանին Հասան(այ) որդոյն Պուաւայ և հարազատ և (պար)ծանաց եղբաւր իւրոյ Պապաքին և գեղ(ուղէշ, եցիկ ? և բարե)պաշա գաւակին էաչոյ ի գաւառիս Վայոց ձոր ի վանս Թատեւոյ * , ձեռամբ Յովանիսի ասմար և տգէտ գրչի, ի վերայդիտողութե Թորգոմեան սեռից տն Յակոբայ և ի Թապաւորութե Լեոնի և մերոյս գաւառի հայրապետութե տն Սարգսի գիտնական(ի և) հեղի և անարատի պատուիրանաց տն կատարողի»: Ստացողն ապա կրկին խնդրում է ոգտվողներից հիշել «գամենաւերհնեալ պարոնայքն զԹաճերն և զՀասան (յերկու գիր: և զ) Պապաքն և զէաչի»: Գրիչն ապա ավելացնում է, վոր նա կատարել է «զհրաման մարմնաւոր տէր(անց)» գրելով այս գիրքը: Հիշատակարանի վերջում մեծ տառերով գրված է «ԹՎ ԶԼ—», տարբազորաբար միավորի միայն կեսը մնացած, ինչպես և ը-ի պոչը կտրված. միավորը՝ մնացորդից դատելով՝ կարող է ա, Ե կամ է լինել, սակայն առաջինը կարելի չէ, վորովհետև 1282 թվին կենդանի եր դեռևս Պոռ մեծ իշխանը, հնարավոր չէ և յերրորդը, վորովհետև մեռած եր արդեն Հակոբ կաթուղիկոսը, այսպիսով հիշատակարանի գրության ժամանակը կարող ենք ճշդիվ նշանակել ՉԼԵ (=1286) թիւը:

Ձեռագիրն սկզբում ունի մի սկզբնազարդ, յերբեմն և լուսանցքի զարդեր, պարզ գույներով, առանց վոսկու գործադրության և արևելյան վոճով: Ձեռագիրը վատ է պահված, հնարավոր չէր գոնե սկզբնազարդը նկարել, գաղափար տալու գրչի կարողության մասին:

* Ձ-ի մեջ փչացած են փակագծի մեջ առնված մասերը, վոր մենք ենք լրացնում այստեղ: Թատեւոյ բառը պետք է ուղղել «Թանատի». ստորագծված մասը գրված է բոլորովին նոր թղթի վերա, շատ հետին գրչի և նորոգողի կողմից ավելացրած. Ձ-ի մեջ անաղարտ է մնացած ք-ի կես մասը և ա: «Թատեւոյ» վանք վոչ միայն Վայոց ձորում, այլ և Հայաստանում գոյություն չէ ունեցել. հետին սրբագրողը հավանորեն Տաթեվ անվան հետ է շփոթել և այդ անվան հետևողությամբ լրացրել կիսատ բառը: Ձ-ը տեսել և հիշատակարանից ոգտվել է Հովհաննես Բարաղամյանը:

Այս մի և նույն գրչի՝ «սրբանհալ և պատուական Յովանէսի ի սբ ուխտէն որ կոչի Թանատի վանս»՝ պետք է լինի նաև Պապաքի անվան հիշատակությամբ 1284 թվի ավետարանը, վորի մասին հիշատակություն յեղավ վերև (եջ. 135 և 137):

Մարտիրոս գյուղի ամենակարևոր շենքը վիմափոր յեկեղեցիներն են, վորոնց շինողն է այն Մատթեոս վարդապետը, վոր խաչքար է կանգնել նույն գյուղում 1275 թվին Պետրոսի անվան հիշատակությամբ: Յեկեղեցիները շինված են 1286 թվին, ափսիղի ձախ կողմը՝ պատրհանաձև ավանդատան գլխին յեղած արձանագրության համեմատ, «ի բարէխաւութի ինձ (Մատթեոս վարդապետի) և Պետրոսի, (նորա հոգևոր հոր) և ծնողաց մերոց և պարոնաց մեր», այսինքն Պապաքի, Հասանի, սրա էջաչի վորդու և Հասանի կնոջ Թաճերի, Հակոբ կաթուղիկոսի (կրայեցի) և գավառի Տ. Սարգիս յեպիսկոպոսի (Նորավանից, վորի հոգևոր տեսչությանն էին յենթարկվում նաև Պոռոյանների գյուղերը Վայոց ձորում) ժամանակ: Արձանագրությունը տեղ տեղ յեղծված է, բայց հնարավոր է լիովին վերականգնել (Հավել. Ա. 23. պատկ. 56): Նույն Մատթեոս վրդ-ի ձեռքով 1292 թվին գրված ավետարանի հիշատակարանը տալիս է ավելի մանրամասնություններ թե յեկեղեցիների շինության և թե Ամիր - Հասանի անձի մասին. «բայց գրեցաւ ի գաւառիս, որ կոչի Վայոց ձոր. յանապատիս որ (կո)չի Աղաւ, ընդ հովանեաւ մաւրս յի և սրբոյն Գէորգայ և այլ սրբոցս. ի քահանայպետութե (8!) նահապետ տն Ստեփանոսի (պատմազիր Օրբելեանն է) հեղի և մարդասիրի: և յիշխանութե որդոցն մեծաչփառ իշխանաց իշխանին Պոռոյ՝ Պապաքին և Ամիր - Հասանայ. և ես Մաթէոս վր: հրամանով և ձեռնտվութբ Ամիր - Հասանա շինեցի գտեղիքս միաչքնակ վանս. և շինեցի զեկեղեցիքս և զժամատունս»*: Վիմափոր յեկեղեցին բաղկացած է բուն տաճարից և ժամատնից կամ գավթից. բայց հիշատակարանից պարզ է, վոր սրանից զատ՝ Մատթեոս վարդապետը շինել է և մի ուրիշ յեկեղեցի, հավանորեն գյուղամիջինը, վորն այժմ իսպառնորոգված է և չպետք է շփոթել այն վկայարանի հետ, վոր նույն գյուղում շինել եր Դեղկա վորդի Մխիթարը Պոռի և Ամիր - Հասանի հրամանով, կանգնելով մի խաչքար (եջ. 45):

Ներսից գմբեթարդ տաճարն ու ժամատունը փորված են լերան կրճքին. դրսից վոչինչ չի նկատվում, բացի գմբեթի յերդիկից: Տաճարի ափսիղը բոլորակ է, իսկ մյուս յերեք կողմերը ուղղանկյուն ներքևում, իսկ վերին մասերում կամարաձև, վորոնց վերա բարձրանում է գմբեթը փոքրիկ յերդիկով. տաճարն ունի մի փոքրիկ լուսամուտ ափսիղի հակառակ պատին, դուռը վիմափոր գավթից: Ափսիղի յերկու կողմից կան փոքրիկ պատրհանաձև ավանդատներ: Տաճարի յերկարությունն է արևելքից արևմուտք 6,57 մետր ափսիղի հետ միասին, իսկ մինչև ափսիղը 4,55 մ., ափսիղի բացված-

* Ձեռ. Ն. Ց. № 1669. Հավել. Ա. 21: